

**REGISTRACIONI  
PRAVILNIK**

**Sarajevo, travanj / april 2010**

Na osnovu člana 36. Statuta Rukometnog saveza Bosne i Hercegovine, u daljem tekstu Savez, Izvršni Odbor Rukometnog saveza Bosne i Hercegovine na svojoj sjednici održanoj u Sarajevu dana 09.04.2010, donio je:

# REGISTRACIONI PRAVILNIK RUKOMETNOG SAVEZA BOSNE I HERCEGOVINE

## 1. OSNOVNE ODREDBE

### Član 1.

Ovim Pravilnikom se uređuju,

- pravila i postupci upisivanja pripadnika članica i drugih pojedinaca,
- način prelaza pripadnika iz kluba u klub i njihovo pravo nastupanja u takmičenjima Saveza,
- nastupanje stranih državljana u takmičenjima Saveza,
- nastupanje pripadnika Saveza u inostranstvu i
- takse

### Član 2.

Odredbe ovog Pravilnika su obavezne za sve članice, njihove pripadnike i druge pojedince koji sudjeluju u radu Saveza.

### Član 3.

Registar upisanih pripadnika Saveza su javne knjige, koje se nalaze u Kancelariji Saveza. Registri se vode na načelima obavezatnosti, javnosti i istinitosti.

## 2. REGISTRACIJA KLUBOVA

### Član 4.

Rukometni klub s područja Bosne i Hercegovine upisuje se u registar rukometnih klubova Saveza prema odredbama ovog Pravilnika.

U Registar Saveza može se registrovati samo rukometni klub koji je osnovan na osnovu odredaba Zakona.

### Član 5.

Klub koji želi postati pripadnik Saveza mora ispuniti na osnovu uslova ( **Obrazac broj 1** ) sljedeće uslove:

- podnijeti pisanu molbu za upis u regisrat rukometnih klubova, na za to propisanom obrascu,
- podnijeti pisane dokaze o svojoj utemeljenosti savezno odredbama Zakona,
- podnijeti preslik izvornika Statuta ili drugog propisa, koji uređuje ustroj i način djelovanja kluba i
- uplatiti upisnu taksu **od 200,00 KM** na žiro račun Saveza.

### Član 6.

Savez mora u roku od **petnaest ( 15 ) dana**, računajući od dana prijama dokumentacije iz člana 5., upisati klub u registar Saveza, i o tome izdati pisanu odluku ( **Obrazac broj 2** ).

U slučaju određenih manjkavosti ili ne ispunjavanja propisanih uslova, Savez ima pravo vremenski rok iz stava 1. ovog člana, produžiti do kompletiranja dokumentacije, o čemu podnositelj zahtjeva mora biti pisano obaviješten.

Ako podnositelj zahtjeva za upis u registar Saveza ne otkloni nedostatke iz stava 2. ovog člana u propisanom vremenskom roku, smatrat će se da zahtjev nije niti ni podnešen, a podnositelj gubi pravo na povrat upisne takse.

### Član 7.

Dva ili više klubova, ne mogu se udružiti u jedan ili više klubova, koji se takmiče u istom ili različitom stepenu takmičenja, tokom takmičerske godine.

### Član 8.

Klub je obavezan o svim promjenama, iz zahtjeva za upis u regisitar Saveza, pismeno izvijestiti

Savez u roku **od deset ( 10 ) dana**, računajući od dana stupanja promjena na snagu.

### Član 9.

Obaveza je kluba, da jedan put godišnje, obnovi licencu - članstvo.

Prilikom obnove licence – članstva iz stava 1. ovog člana klub uplaćuje godišnju članarinu, čiji je iznos propisan ovim Pravilnikom.

Ovjeru licence - članarine iz stava 1. ovog člana vrši Kancelarija Saveza.

### Član 10.

Svaki se upis u Registar rukometnih klubova Saveza ovjerava pečatom Saveza.

### Član 11.

Klub se briše iz članstva Saveza, na osnovu:

- istupanjem iz Saveza,
- prestankom rada
- klub istupi iz sistema takmičenja samo inicijativno bez obrazloženja, svog razloga istupanja i
- zabranom rada i djelovanja.

## 3. REGISTRACIJA PRIPADNIKA KLUBA

### Član 12.

Pripadnici kluba su, na osnovu:

- igrači / igrache,
- službena lica i
- drugi

### Član 13.

Pripadnici kluba s područja Bosne i Hercegovine upisuju se u Registar pripadnika rukometnih klubova Saveza prema odredbama ovog Pravilnika.

### Član 14.

Pripadnik kluba može postati svaka osoba koja je navršila **deset ( 10 ) godina života**.

Pripadnik kluba stiče i preuzima sva prava i obaveze, koje proizlaze iz, na osnovu:

- Statuta kluba,
- drugih pravilnika kluba,
- Statuta Saveza i
- drugih pravilnika Saveza.

### Član 15.

Pripadnik kluba mlađi **od osamnaest ( 18 ) godina života**, može postati pripadnik kluba samo uz pisanu saglasnost jednog od roditelja ili zakonskih staratelja.

U slučaju da nije izpunjen uslov iz stava 1. ovog člana, upisivanje se smatra nevažećim.

### Član 16.

Obaveza je kluba, da jedan put godišnje, obnovi licencu – članarinu za svoje pripadnike.

Prilikom obnove licencije – članarina iz stava 1. ovog članka klub uplaćuje godišnju članarinu, čiji iznos propisuje ovaj Pravilnik.

Ovjeru licence – članarine iz stava 1. ovog člana vrši Kancelarija Saveza. Svi članovi Saveza, sudije, treneri i ostali obavezni su posjedovati članske knjižice i uredno izmirivati svoje članarine. Članarine se izmiruju kao i kod igrača do **15.02. tekuće godine**. Iznos članarina i članskih knjižica je:

1. Trenerske knjižice **10,00 KM**,
2. Trenerska članarina **20,00 KM**,
3. Sudijska, delagatska i kontrolorska knjižica **10,00 KM**,
4. Sudijska, delagatska i kontrolorska članarina **30,00 KM**,
5. Za ostale knjižica **10,00 KM**,
6. Za ostale članarina **10,00 KM**,
7. Za igrače – ice članarina **3,00 KM**,
8. za igrače – ice knjižica **3,00 KM** i
9. članarina kluba **100,00 KM**.

**Član 17.**

Svaki se upis u registar pripadnika Saveza ovjerava pečetom Registracione komisije.

**Član 18.**

Pripadnik kluba ne može istovremeno biti upisan za dva ili više klubova.

Pripadnost se klubu smatra na osnovu predhodnog članstva.

**Član 19.**

Pripadnik kluba koji u jednom prelaznom roku potpiše pristupnicu za dva ili više klubova, s potpunom dokumentacijom ili bez nje, gubi pravo prelaza iz matičnog kluba i ostaje njegovim pripadnikom do narednog prelaznog roka.

Savez je obavezatan protiv pripadnika iz stava 1. ovog člana pokrenuti disciplinski postupak.

**Član 20.**

Pripadnik kluba kažnjen ili suspendovan može biti registrovan za drugi klub pod uslovima iz ovog Pravilnika.

**Član 21.**

Strani državljan ili igrači dvostrukim državljanstvom mogu se registrovati za klub po postupku u skladu sa propisima IHF – a i EHF – a.

U jednom klubu po uslovima iz stava . može biti registrovan neograničen broj igrača.

Izvršni odbor Rukometni savez Bosne i Hercegovine može svojom posebnom Odlukom propisati od kada do kada strani igrači ne mogu biti pripadnici kluba.

**Član 22.**

Za pripadnika kluba koji se **prvi put upisuje**, klub koji ga želi upisati mora priložiti ( **Obrazac broj 3** ),

1. obrazac za registraciju popunjen i ovjeren od strane kluba i ovjerena pisana saglasnost jednog staratelja – roditelja ( **za mlade od 18 godina** ) na obrascu,
2. članska iskaznica – knjižica,
3. dvije fotografije ( 3 cm x 3,5 cm ), ne starije od jedne godine i
4. potvrdu o **uplati 15,00 KM** na žiro račun Saveza, radi upisa u registar pripadnika klubova.
5. Rodni list ( kopija ),

**Član 23.**

Za pripadnika kluba koji se **prvi put upisuje**, a nastupao je u inostranom rukometnom klubu ili je bio upisan u inostranom rukometnom savezu ( **Obrazac broj 7** ), klub koji ga želi upisati mora priložiti,

1. Zahtjev za certifikar ( **Obrazac broj 10** ),
2. obrazac za registraciju popunjen i ovjeren od strane kluba ( **Obrazac broj 7** ),
3. člansku iskaznicu – knjižicu,
4. International Transfer Certificate,
5. dvije slike ( 3 x 3,5 cm ), ne starije od jedne godine i
6. potvrđnicu o uplati **150,00 KM** na žiro račun Saveza, u pogledu upisa u registar pripadnika klubova ( **Obrazac broj 10** ).

**Član 24.**

Za pripadnika kluba koji prelazi **iz kluba u klub** ( **Obrazac broj 5** ) unutar Saveza, klub koji ga želi upisati mora priložiti,

1. obrazac za registraciju popunjen i ovjeren od strane kluba ( **Obrazac broj 5** ),
2. člansku knjižicu pripadnika,
3. ispisnicu iz predhodnog kluba ili pravosnažnu odluku iz koje je nedvosmisleno vidljivo da isti ima pravo prelaza iz kluba u drugi klubove,
4. dvije slike ( 3 x 3,5 cm ), ne starije od šest mjeseci,
5. potvrđnicu o uplati **15,00 KM** na žiro račun Saveza, radi upisa u registar pripadnika klubova , i
6. potvrđnicu o uplati takse za prelaz pripadnika iz kluba u klub u iznosu **od 400,00 KM** za Premijer ligu te **190,00 KM** za Prve lige,

**Član 25.**

Registraciona komisija mora u roku **od deset ( 10 ) dana**, računajući od dana prijama dokumentacije, upisati pripadnika kluba u registar Saveza, i o tome izdati pisanu odluku.

U slučaju određenih nedostataka ili ne ispunjavanja propisanih uslova, Registraciona komisija ima pravo vremenski rok iz stava 1. ovog člana, produžiti do kompletiranja dokumentacije, a ne duže do deset ( 10 ) dana, o čemu podnositelj mora biti pisano obaviješten.

Ako podnositelj zahtjeva za upis u registar pripadnika Saveza ne otkloni manjkavosti iz stava 2. ovog člana u propisanom vremenskom roku, smatrat će se da zahtjev nije bila niti podnesena, a podnositelj gubi pravo na povrat upisne takse.

#### **Član 26.**

Protiv pripadnika kluba, kluba i odgovornih službenih lica u klubu, koji je priložio lažne i netočne podatke, u cilju obmanjivanja rada Registracione komisije, obavezatno se provodi disciplinski postupak u skladu sa odredbama Disciplinskog pravilnika.

#### **Član 27.**

Oblik i sadržaj članske izkaznice propisuje Izvršni odbor Saveza.

#### **Član 28.**

Registraciona komisija ima obavezu, u roku **od tri ( 3 ) dana** računajući od dana prijama pismenog zahtjeva, izdati duplikat članske izkaznice u slučaju da se ista izgubi, ošteti ili postane neupotrebljiva.

Duplikat članske izkaznice iz stava 1. ovog člana izdaje se na pisani zahtjev kluba, uz potvrdu o **uplati 10,00 KM** na žiro račun Saveza, radi upisa u registar pripadnika klubova.

## **4. PRELAZ PRIPADNIKA KLUBA IZ KLUBA U KLUB**

### **A.) Prelazni rok**

#### **Član 29.**

Igrači - ica, iz kluba u klub, imaju pravo preći tokm prelaznih rokova.

Druga službena lica kluba ( liječnici, službeni predstavnici, treneri i dr.) nemaju ograničenja u prijelazu iz kluba u klub.

#### **Član 30.**

Razlikujemo redoviti i vanredni prijelazni rok za igrače – ica.

Redoviti prijelazni rok traje, u vremenskom razdoblju između dviju takmičarskih godina.

**Redoviti prelazni rok je od 01.07. do 15.07. tekuće godine.**

**Vanredni prijelazni rok traje, u vremenskom razdoblju prvog i drugog dijela iste takmičarske godine i traje od 01.01. do 10.01. tekuće godine.**

#### **Član 31.**

Redoviti prijelazni rok traje **petnaest ( 15 ) dana**, a zaključni je dan 15.07.

Vanredni prijelazni rok traje **deset ( 10 ) dana**, a zaključni je dan 10.01.

#### **Član 32.**

Eventualnu izmjenu početaka prijelaznih rokova određuje Izvršni odbor RS BiH.

#### **Član 33.**

**Dvadesetčetiri ( 24 ) sata** nakon isteka prijelaznog roka, Registraciona komisija je obavezna izraditi zajednički popis registrovanih igrača – ica, te poštom i putem web stranica dostaviti svim članicama Saveza i klubovima.

### **B.) Način prelaza pripadnika iz kluba u klub**

#### **Član 34.**

Pravo prelaska **iz kluba u klub i tretman igrača sa ispisnicom ima:**

- igrač – ica bez ugovora,
- igrač – ica kome je istekao ugovor,
- igrač – ica čiji je klub odlukom Registracione komisije prestao biti članom Saveza i
- igrač – ica čiji klub istupi iz sistema takmičenja, **član 11 ovog Pravilnika**, može preći u drugi klub, prvi naredni prelazni rok. Igrač – ica se tretiraju kao igrači bez ugovora.

## Član 35.

Igrač – ica, pri prijelazu iz kluba u klub, podnosi pisani zahtjev za izdavanjem ispisnice u prelaznom roku, i to na način da na adresu kluba uputi zahtjev preporučenom poštanskom.

Klub mora u roku **od sedam ( 7 ) dana**, računajući od dana prijama pismena iz stava 1. ovog člana, igraču – ici:

- izdati uredno ovjerenu ispisnicu ili
- izdati pisani obrazložen odgovor s navodom o postojanju prepreka za izdavanje ispisnice.
- Ako klub svojevolumeno i bez pisanog zahtjeva istupi iz sistema takmičenja, takvi igrači – ice ne moraju tražiti ispisnicu, već mogu preći u drugi klub bez zahtjeva za ispisnicu.

Ako klub u roku **od sedam ( 7 ) dana**, računajući od dana prijama zahtjeva za izdavanje ispisnice, ne odgovori ili zakasni odgovoriti na igračev zahtjev za izdavanje ispisnice, smatrat će se da nema prepreke za registraciju igrača – ice za novi klub.

## Član 36.

Klub je obavezan izdati ispisnicu igraču – ici, ako su ispunjeni sljedeći uslovi (**Obrazac broj 6**):

- ukoliko je pisani zahtjev za izdavanjem ispisnice podnesen klubu,
- ako je igraču istekao ugovor,
- ako je igrač bez ugovora.

## Član 37.

Oblik i sadržaj izpisnice za igrače – ice propisuje Izvršni odbor Saveza (**Obrazac broj 6**).

## Član 38.

Nakon izdavanja izpisnice igrač – ici, klub nema pravo osporavanja njene pravovaljanosti. Ako igraču – ici je već izdata ispisnica za jedan klub a u međuvremenu želi da pređe u drugi klub, klub koji je izdao ispisnicu **MORA** stornirati već izdatu a izdati novu bez obrazloženja.

## Član 39.

Redovnim i vanrednim prelaznim rokom mogu se koristiti svi igrači i igračice, koji ispunjavaju odredbe ovog Pravilnika.

### C.) Prigovor na ne izdavanja ispisnice

## Član 40.

Pripadnik kluba ima pravo u slučaju ne dobivanja ispisnice za prelaz u drugi klub, podnijeti pisani prigovor na ne izdavanja ispisnice.

Uz prigovor iz stava 1. ovog člana, pripadnik kluba mora priložiti, sljedeće:

- kopiju zahtjeva za izdavanjem ispisnice,
- dokaz, da je i kad je podnio zahtjev za izdavanjem ispisnice,
- kopiju u vezi odbijanja zahtjeva za izdavanjem ispisnice i
- potvrdu o uplati **100,00 KM** na žiro račun Saveza.

## Član 41.

Registraciona komisija mora u roku od osam ( 8 ) dana, računajući od dana prijama prigovora iz člana 40. ovog Propisnika, u pisanom obliku dostaviti odluku u vezi prigovora, i to:

- pripadniku kluba,
- klubu od kojeg je pripadnik tražio ispisnicu i
- klubu u koji pripadnik želi preći.

Odluka iz stava 1. ovog člana, mora biti jasna i nedvosmislena, s navedenim uslovima prelaza pripadnika iz kluba u klub i obrazloženjem odluke prema Registracionom pravilniku i Propisniku o statusu izrača.

### D.) Žalba na odluku Registracione komisije

## Član 42.

Na odluku Saveza, iz člana 41. ovog Pravilnika, žalbu ima pravo podnijeti:

- pripadnik kluba,
- klub od kojeg je pripadnik tražio ispisnicu i
- klub u koji pripadnik želi preći.

i to u roku od osam ( 8 ) dana, računajući od dana prijama odluke.

#### **Član 43.**

Podnositelj žalbe, u vezi odluke iz člana 42. ovog Pravilnika, mora priložiti potvrdu o uplati **100,00 KM** na žiro račun Saveza.

#### **Član 44.**

O žalbi, u vezi odluke iz člana 42. ovog Pravilnika, konačnu odluku donosi Izvršni odbor Saveza, i to u roku od petnaest ( 15 ) dana, računajući od dana prijama žalbe.

## **5. ŽALBA NA REGISTRACIJU PRIPADNIKA KLUBA**

#### **Član 45.**

Žalba na registraciju pripadnika može podnijeti svaki pripadnik Saveza.

#### **Član 46.**

Žalba iz člana 42. ovog Pravilnika podnosi se u pisanom obliku Registracionoj komisiji, u roku od petnaest ( 15 ) dana, računajući od dana registracije pripadnika.

#### **Član 47.**

Podnositelj žalbe, uz žalbu mora predati :

- pisani dokaz o osnovanosti prigovora i
- potvrdu o uplati **100,00 KM** na žiro račun Saveza.

#### **Član 48.**

O žalbi na registraciju pripadnika, Registraciona komisija mora donijeti odluku u roku od petnaest ( 15 ) dana računajući od dana prijama žalbe.

#### **Član 49.**

Na odluku iz člana 47., pojedinac ili klub, koji se smatra oštećenim, ima pravo podnijeti žalbu Izvršnom odboru RS BiH u roku od osam ( 8 ) dana, računajući od dana prijama odluke.

Podnositelj žalbe, uz žalbu mora predati:

- pisani dokaz o osnovanosti žalbe i
- potvrdu o uplati **100,00 KM** na žiro račun Saveza.

Konačnu odluku u vezi žalbe iz stavka 1. ovog člana, donosi Izvršni odbor RS BiH, i to u roku od petnaest ( 15 ) dana, računajući od dana prijama žalbe.

#### **Član 50.**

Kada se na osnovu žalbe nedvojbeno utvrdi nepravilnost registracije pripadnika i prava nastupa, protiv pripadnika, kluba, odgovornih dužnosnika kluba i članova Registracione komisije, mora se pokrenuti disciplinski postupak prema odredbama Disciplinskog pravilnika Saveza.

## **6. PRAVO NASTUPA PRIPADNIKA**

#### **Član 51.**

Igrači i igračice imaju pravo nastupa odmah po registraciji, ako:

- se upisuju prvi put,
- se upisuju tokom prelaznih rokova,
- se upisuju temeljem odluke Saveza,
- kada igrač / igračica dolaze iz inostranstva i
- igrač čiji je klub odlukom Izvršnog odbora prestao biti član Saveza,
- ako je plaćena taksa ba račun RS BiH za registraciju za novi klub u iznosu od 400,00 KM ili 190,00 KM,
- ako je klub koji prima igrača izmiro finansijske obaveze prema Savezu i
- ako je klub samovoljno odustao od takmičenja iz predhodne sezone.

#### **Član 52.**

Službena lica kluba ( liječnici, službeni predstavnici, treneri i dr. ) imaju pravo nastupa odmah po upisivanju u registar pripadnika Saveza.

**Član 53.**

Pripadnici kluba nemaju pravo nastupa na rukometnim utakmicama, bez obzira na vrstu utakmice, ako izdržavaju disciplinsku mjeru, izrečenu od strane Saveza.

**Član 54.**

Pripadnici kluba imaju pravo nastupa na rukometnim utakmicama, bez obzira na vrstu utakmice, tokom trajanja odsluženja vojnog roka.

**Član 55.**

Na revijalnim i prijateljskim utakmicama, pripadnik kluba upisan za matični klub, ima pravo nastupiti za drugi klub s područja BiH, isključivo uz pisani pristanak matičnog kluba. Ova odredba ne važi za igrače – ica čiji se klub više ne takmiči ili je istupio iz sistema takmičenja, članovi 11, 34 i 51. ovog Pravilnika.

**7. UGOVORI IZMEĐU PRIPADNIKA I KLUBA****Član 56.**

Međusobni se odnosi, između pripadnika kluba i kluba, uređuju se u skladu sa odredbama Pravilnika o statusu igrača.

**Član 57.**

Pripadnik kluba i klub imaju pravo sklopiti ugovore:

1. **ugovor o sportskom usavršavanju i stipendiranju,**
2. **ugovor o igranju kao doknadnoj djelatnosti i**
3. **ugovor o profesionalnom igranju.**

**Član 58.**

Ugovor između pripadnika kluba i kluba upisuje se u registar ugovora u Savezu, na osnovu ugovora i ispunjenog i ovjerenog obrasca ( **Obrazac broj 4** ).

**Član 59.**

Ako su igrač i klub, ili neka treća strana, sklopili građanski ugovor, ugovor ne smije biti u suprotnosti s odredbama iz ovog Pravilnika.

Sporovi iz tako sklopljenog ugovora između igrača i kluba ili neke treće strane, u djelokrugu su nadležnog suda i ne utiču na pravo registracije i nastupa u klubu člana RS BiH.

**8. USTUPANJE - POZAJMICA PRIPADNIKA KLUBA (OBRAZAC BROJ 9)****Član 60.**

Klub ima pravo, privremenog ustupanja svog pripadnika, drugim klubovima s područja Bosne i Hercegovine, samo uz pisanu suglasnost pripadnika ( **Obrazac broj 9** ).

Prilikom ustupanja pripadnika, klubovi i pripadnik, uređuju međusobne odnose, prava i obveze.

**Član 61.**

Ustupanje – pozajmica igrača – ica iz člana 60. ovog Pravilnika traje **najmanje jednu ( 1 ) takmičarsku sezonu.**

Klub može registrovati i za njega **može nastupati tri ( 3 ) igrača – ica.**

**Član 62.**

Ustupljeni – pozajmljeni igrač – ica ima pravo nastupiti u jednoj takmičarskoj sezoni smo za jedan klub, osim kada klub koji je ustupio igrača želi da vrati svog pozajmljenog člana uz pismeni zahtjev.

Klub svoj zahtjev o vraćanju igrača može raditi samu u vrijeme prelaznog roka ( redovni ili vanredni prezalni rok ).

**Član 63.**

Klub može privremeno ustupiti igrača drugom klubu pod uslovima propisanim u Pravilniku o statusu igrača. Ugovor o ustupanju igrača mora biti potpisan i ovjeren u Savezu **najkasnije 8 ( osam ) dana prije početka takmičarske sezone.**



**Član 64.**

Za pripadnika kluba koji se ustupa prema odredbama članka 61. ovog Pravilnika, klub koji ga želi upisati mora priložiti :

- molbu za upisivanje pripadnika,
- ugovor između dva kluba o ustupanju pripadnika u četiri primjerka,
- jednu sliku ( 3 x 3,5 cm ), ne starije od šest mjeseci i
- potvrđnicu o uplati **100,00 KM** na žiro račun Saveza, u vezi upisa u registar ustupljenih igrača – ica klubova.

**Član 65.**

Sva prava i obveze u vezi odštete za prijelaz iz kluba u klub, po isteku ugovorenog roka ustupljanja, zadržava klub koji ustupa pripadnika, uključivo i vrijeme ustupanja.

**9. USTUPANJE–DVOJNA REGISTRACIJA ( OBRAZAC BROJ 9 )****Član 66.**

Iznimno od odredbe člana 19, igrač kluba, Premijer lige, mlađi od 21 ( dvadesetjedne ) godine i igračica mlađa od 20 ( dvadeset ) godina uz sporazum dva kluba i igrača odnosno igračice mogu biti dvojno registrovani za još jedan klub koji se takmiči u nižem rangu takmičenja.

**Član 67.**

Igrač – ica sa dvojnou registracijom ima pravo nastupa za oba kluba u jednoj takmičarskoj sezoni.

**Član 68.**

Dvojna registracija važi 12 ( dvanaest ) mjeseci i može se vršiti samo tokom prelaznog roka. Nakon isteka roka na koji je izvršena dvojna registracija igrač ima pravo nastupati samo za matični klub bez ponovne registracije.

**Član 69.**

Klub može registrovati i za njega mogu nastupati najviše 3 ( tri ) igrača – ice sa dvojnou registracijom.

**Član 70.**

Igrač – ice koji ima dvojnou registraciju u takmičenju mladih kategorija i KUP takmičenju može nastupati samo za klub u kojem ima osnovnu registraciju.

**Član 71.**

Igrač – ice koji ima dvojnou registraciju, a bude kažnjen od organa koji rukovodi takmičenjem nema pravo nastupa niti za jedan klub za vrijeme dok mu teče kazna.

**Član 72.**

Za sprovođenje dvojne registracije zaključuje se sporazum između kluba i igrača u kojem se utvrđuju sva prava i obaveze između kluba i igrača Obrazac broj 9.

Sporazum o dvojnou registraciji može biti raskinut uz saglasnost učesnika u sporazumu.

**10. PRIJELAZ PRIPADNIKA KLUBOVA U INOSTRANE KLUBOVE****Član 73.**

Shodno odredbama IHF-a i EHF-a, te Pravilnika o statusu igrača i drugih Pravilnika Saveza, pripadnici Saveza, imaju pravo registracije i igranja za klubove u inostranstvu.

**11. ZAVRŠNE ODREDBE****Član 74.**

Izmjene i dopune Registracionog pravilnika se donose na način i po postupku propisanom za njihovo donošenje.

**Član 75.**

Odredbe Registracionog pravilnika tumači Izvršni odbor Saveza.

**Član 76.**

Registracioni pravilnik stupa na snagu danom donošenja, a njegovim donošenjem prestaje važiti Registracioni pravilnik koji je bio na snazi.

U Sarajevu, dana 09.04.2010. godine

\_\_\_\_\_  
\_\_\_\_\_